

廣德州志卷三十八

人物志

名臣 孝友

忠烈 義行

循吏 隱逸

儒碩 寓賢

文苑 方技

武功 仙釋

人物難於科第科第三年而一得人物曠代而始出也

廣德趙宋以前僅一朱治已屬借才南唐李約工文而

事實無考自范希文錢君倚洪慶善諸君子相繼教育

而周翠渠鄒東廓復以理學為之倡導於是人材之盛

甲於江左見於史者倪巨濟王儔錢成夫姜敬齋諸人

而查清容沈虛中張介俱以文行顯今就其聲施朝野

者各據彙編分類登載續有見聞隨條鱗次義取錄善

廣德州志

卷三十八 人物

一

不厭從長也

名臣

率土皆臣名聞者鮮蓋必在國為碩輔而後在鄉可

稱俊彥也桐汭自宋以來簪纓接迹或節鉞封疆釐

奸剔弊或洞達時務建議陳書勳業爛如風裁凜然

矣萬厯志統稱鄉賢李志概列宦績今特別為名臣

略者詳缺者補覽之可想見梗概焉

三國吳

朱治字君理丹陽故鄣人初為縣吏後察孝廉州辟從事

隨孫堅征伐中平五年拜司馬累遷督軍校尉堅卒奉  
孫策平江東定會稽領太守事策卒與張昭等奉孫權  
建安七年爲九真太守行扶義將軍征討夷越佐定東  
南黃武元年封毗陵侯領郡如故二年拜安國將軍徙  
封故鄣性儉約雖在富貴車服惟供事權優異之時丹  
陽深地頻有姦叛治以年老思戀土風自表屯故鄣鎮  
撫山越諸父老故人莫不詣門治引與其飲鄉黨以爲  
榮在故鄣歲餘還吳黃武三年卒在郡三十一年年六  
十九子才嗣父爵遷偏將軍才弟紀娶孫策女亦以校

廣德州志

卷三十八 名臣

二

尉領兵才子琬襲爵爲將至鎮西將軍

吳志本傳

案呂蒙爲廣德長在建安八年則治所屯之故鄣非  
今州治明矣明一統志以朱治朱然爲安吉人入湖  
州府人物是也但治生在靈帝之世或爲吏時猶未  
分置廣德故仍依舊志列之至治姊子然然子績俱  
生於漢末雖功勳爛如未敢借才也

宋

倪濤字巨濟

案書錄解題云本永嘉人其父始徙居廣德

牛角能屬文博學強

記明一統志年十五試太學第一遂擢進士調廬陵尉

云有操履

信陽教授入爲太學正祕書省校書郎著作佐郎司勳  
左司員外郎萬歷志云鯁直不爲詭隨朝廷議有事燕雲大臣爭先

決策爲固位計皆心知不可無敢一出口濤獨言其非  
且曰景德以來遼守約不犯邊盟誓固在不可渝也天

下久平士不習戰軍儲又詘毋輕議以貽後患王黼怒  
曰君敢沮軍事耶於是言者論其鼓唱撰造貶監朝城

酒稅再徙茶陵船場卒年三十九死之明年金人犯闕  
朝廷憶濤言官其一子有雲陽集傳於世宋史文苑傳案一統志

作雲陵集二十餘卷互詳書目

廣德州志 卷三十八 名臣

李嘉言隆興中進士嘗從范成大使北使事多從其議歷

知常饒二州皆有去思南畿志尋以尙書充使而還有文

集二十卷明一統志案李嘉言舊志無傳今增

**案**諸舊州志不立傳而今有者皆注曰增其在李志  
後者不在此例

吳應龍字雲翔建平人嘉定中進士楊志但云登進士今從南畿志一統志

初尉武進歲凶多方賑恤遷知江陵縣以父喪歸囊無

留鏹服闋知都昌縣大書於庭曰爲國家培植根本爲

生民愛恤膏血嘉熙元年陞知興國軍治以最聞四年

趣命入奏以八事爲言曰振紀綱信政令惜名器厲人  
才擇牧守選將帥安流離恤饑寒理宗嘉納之拜監察  
御史與同列議不合乃以淮漕去官闕源流書院淳祐  
三年復起爲饒州郡守次年遷江淮荆浙福建廣南路  
都大提點坑冶鑄錢事是歲復遷直寶謨閣廣南西路  
轉運判兼提本路鹽事解組歸卒通志  
章汝鈞字和叔建平人淳祐進士授國子監書課官召試  
館職首以厚人倫扶國綱爲言以祕書正字家居時里  
人多以差役破家汝鈞與梅應發力舉義役行之鄰郡

廣德州志

卷三十八 名臣

四

取則焉後除祕書郎

明一統志南  
畿志通志

兼莊文太子教授卒

於官自號月華山人有文集二十四卷

楊志

梅應發字定夫自幼神悟十九冠鄉書登寶祐進士

案萬  
歷選

舉志應發寶祐元年進  
士舊作淳祐誤今改正

居官忠貞尤崇廉退秩至中奉

大夫直寶章閣及致政歸厚人倫善風俗身隱而名益

彰元復召起之辭以疾年七十八卒有遺稿三十二卷

萬歷

應發歷任兩朝累官三學橫經王邸秉筆都曹勵

忠貞務廉退仕至直閣爵廣德縣男

明一  
統志

明

胡展永樂中歲貢任給事中陞左副都御史讜直敢言時  
建平馬政擾民展援祖制疏言州居山磧無平原可放  
牧免之尋改福建參政通志

孫昇字伯高建平人永樂甲申進士除臨清令發廩賑饑  
募民墾荒以最擢山東道御史公勤廉慎才能著稱庚  
子值蒲臺妖婦唐賽兒作亂青州衛指揮高鳳不能捕  
勢甚猖獗攻莒州進圍安邱昇統張旗馬撫王真等敗  
賊於諸城山東悉平上嘉昇功賜白金綵緞擢上林苑  
監正遼府長史糾劾不避權貴調知建昌府二年惠愛

廣德州志

卷三十八 名臣

五

廉平乞骸歸閉門授徒日以講誦為事南畿志通志楊志

張政字平夫禮聞子才質聰敏剛正自持永樂年登進士

案政永樂戊戌進士南畿志及萬曆選舉志並同舊作宣德誤今改正授山西道御史風

裁肅然不避權貴歷陞山西按察使法令嚴明貪墨者  
望風解去晉人畏若神明莫敢有犯萬曆志

章禹字民望天順丁丑進士累官河南道御史其未入西  
臺也曹石專橫禹心嫉之以秩卑無言責未發私語所  
親曰我非懼禍甘作立仗馬恐以犢觸虎犢死虎威愈  
熾耳及為言官錦衣衛指揮門達恃寵作威福禹率同

列劾之下達於獄宵小惴伏憲宗御極之二三年周太后弟長甯伯與真定武陟民爭田刑部郎中彭韶奉命往勘回奏忤旨下錦衣獄禹疏救之言者踵起遂得釋卒

無子據章氏譜增

姜洪字希範號敬齋據萬歷志補成化十四年進士除盧氏知

縣單騎勸農桑民姜仲禮願代父死罪洪奏免之徵拜

御史案萬歷志云徵為貴州道御史邑人感泣建祠孝宗即位陳時政八事歷

詆太監蕭敬內閣萬安劉吉學士尹直侍郎黃景劉宣

都御史劉敷尚書李裕李敏任銘大理寺宋經而薦致

廣德州志 卷三十八 名臣

六

仕尚書王恕王竑李秉去任侍郎謝鐸編修張元禎檢

討陳獻章僉事章懋評事黃仲昭御史強珍徐鏞于大

節給事中王徽蕭顯賀欽員外林俊主事王純及現任

尚書余子俊馬文升巡撫彭韶侍郎張說詹事楊守陳

且言指揮許甯內官懷恩並拔出曹輩足副任使他所

陳多斥近倖疏辭幾萬言帝嘉納之為所斥者憾不置

宏治元年出按湖廣萬歷志云值歲饑賑活無算楚藩

其不可事竟寢楚中漕糧以十萬計歲歉輸轉為艱與

總漕辨甚力至貶夏邑長治行如盧氏案明史諸王  
傳憲宗弟德莊王見潏有請益莊田事而吉簡王見浚  
無之但其就藩在成化十三年又十年而宏治改元則

邀恩新土事或有之史與督漕都御史秦紘爭文移被

劾所司白洪無罪劉吉欲中之再下禮部會議遂貶夏

縣知縣御史歐陽旦請召還洪不納遷桂林知府猺獞

侵擾古田請兵討平之擢雲南參政士官陶洪與八百

媳婦約為亂洪乘間剪滅南畿志云時古田為羣賊竊

執其麾下楊炯治其辜明年洞蠻來寇上命合兵討之挑古悉平歷山東左參政正德

二年遷山西布政使劉瑾索賀印錢不應四年二月中

旨令致仕瑾誅起山東左布政使七年以右副都御史

巡撫山西萬曆志云惟未滿歲卒洪性廉直身後喪不

廣德州志 卷三十八 名臣

能舉天啟初追謚莊介明史本傳

**案明史**有專傳者惟姜莊介一人錢尙書附陶安傳

而夏中丞竟不獲與乃郡前輩往復書札都云入明

史列傳者止夏仁寰先生而錢姜反未之及

呂盛字文郁號定菴建平人宏治己未進士初授義烏令

政聲懋著遷南戶部主事益樹清節出知湖州府時孝

豐湯許為寇盛深入其阻諭以禍福兵不血刃而就俘

旬日間餘寇悉平尋調去湖士民肖像祠之峴山及守

東昌不三載東土大治遷山東按察副使備兵天津地

當孔道武宗南巡時方饑饉盛以無碍官錢給四方流  
民俾充夫役民不知擾兼給醫藥以療疾疫改雲南屯  
田副使疏歸養望林泉士論高之著有唱和諸集通志  
宗璽字朝用號竹谿建平人宏治己未進士授南大理評  
事轉左右寺正時逆瑾肆虐多害善良璽獨平反不撓  
正德己巳遷山西按察臺官疏其才尋改閩臬莆田寇  
起月餘殲之李志縣志並云民爲立石涵頭平大帽山寇奉旨增秩遷  
江西副使時甯藩驕恣兵校乘焰毒民南昌部內首受  
其虐總制陳金疏劾之璽奉敕按治一無所阿當罪者

廣德州志

卷三十八

名臣

八

必置於法會副使胡世甯疏宸濠不軌十事濠亦以受  
金縱寇誣劾世甯章下藩臬議濠嗾致世甯於辟眾持  
疑相向璽獨奮筆白其誣大盜徐九齡聚徒數千攻掠  
璽設策追斬之奉新立祠祀焉改廣西按察使復平叛  
獠歷貴州雲南布政使清公帑巨萬以贍軍旅卒於官

通志  
楊志

濮陽鉞字廷威

萬歷選舉志字建威諸志俱作廷威

號黃山性剛方遇事敢

言爲諸生時抗議定漕制宏治間歲貢任南京東城兵  
馬司會有編戶命御史劉節辟爲從事疏通敏達紛拏

立剖世宗登極初應詔陳言八事勤聖學慎始終持大體審好尚豐儲賦恤民用節民力省濫費帝嘉納之以直忤當事罷

楊志

〔案〕鉞所陳皆君心國計攸關而慎始終一事尤得古大臣風其略云陛下左右近習善人固多懷奸者間亦有之稍有不謹卽墮其術昔明皇開元之初憂勤庶政好賢樂善愛民利物始非不善也迨天寶以降自以功成治定無有後艱志欲旣滿侈心遂生忠直寢疎以娛樂爲良謨以聲色爲急務以李林甫楊國

廣德州志

卷三十八

名臣

九

忠爲周召以安祿山哥舒翰爲方虎皆不能慎終之弊也時承武廟積弛之後銳意釐剔勇行剛斷鉞以求治太急勢將中怠且恐躁進者得以窺伺迎合也故首及之未幾議禮獄興權奸踵至桂萼嚴嵩後先柄用晚年寇賊擾攘享祀弗經營建紛繁帑藏告匱悉如鉞所慮論者謂鉞有先見云今疏稿存於家

李得陽字伯英號景渠嘉靖乙丑進士任蘭谿知縣治績赫然遷戶部主事權淮關盡蠲浮苛畱南吏部稽勳司郎中陞九江知府築三洲隄建澄江樓莅莅息警時柯

陳氏本友諒遺種明錮之踞險爲患得陽白當道擇其文理粗諳者給以子衿學孽潛銷量移廣東兵備副使歸養十年起補漳南道歷任湖廣左布政尋以都御史撫楚鏗成賦役全書永爲規式土司永順請助勦島蠻意在窺伺得陽裁畫有方羣奸帖息故事採辦大木不及楚稅璫某欲罔利荆沙衡永間令額派疏揭得中止築黃梅城建天柱縣以親老乞養歸萬歷二十九年追嘉撫楚之績賚白金起工部左侍郎會陵殿城諸工鑄造織造燒造諸役並興兼攝通政篆以勞瘁卒官年七

廣德州志

卷三十八

名臣

十

十九囊中惟圖書數卷贈南京戶部尙書諭祭葬廕一子著有理學臆言義蒼子塵外塵談詩文集

楊志通志

李謨字子範號清宇博學能文嘉靖乙丑進士任刑部主

事委漕運理刑減稅二萬兩頌者載道擢吏部驗封司

主事尋轉稽勳司員外郎爲銓曹第一廉吏謨父溍早

逝以兄有撫育恩事之如父家產悉分給之

通志萬曆志

夏良心字景堯號仁寰隆慶

楊門諸志俱誤作嘉靖今從通志

辛未進士

除刑部主事歷陞山西參議轉兩浙水利道築海隄費省功倍有詔加秩賜金按察山東布政河南皆遇饑歉

賑貸有方民賴以甦擢江西巡撫時兩璫權稅歲幾十五萬奏減七萬有奇加兵部右侍郎捐罰鍰四千金設義倉數百間置田一千二百畝儲粟備賑以積勞卒贈兵部尚書江右諸紳疏請專祀賜名褒德入宮三十年嘗積俸三百金置田贍族而身常蔬布人服其清

通志 楊志

李天植字性甫號冲涵從鄒文莊講良知學隆慶

楊門志 志俱記

作嘉靖今 從通志

辛未進士授平陽推官奏績卓異擢吏科給

事中數上疏言天下大計張居正当當國奪情議起天植排眾昌言曰異日謂羅一峰何如人遂忤居正意未幾

廣德州志

卷三十八 名臣

十一

鄒元標趙用賢俱以疏糾居正被杖天植疏救甚力會有旨選闈寺多人天植言儒生進學數少中貴選用數多事體倒置語攻政府出參江西饒南道時毀天下書院當事希相臣意欲并廢白鹿洞膳田天植力持不可且捐餼增益之令諸生講習其中遷湖廣副使鎮長寶二郡值大饑捐俸及贖鍰賑之全活無算轉四川參政與御史任某素不協上疏肆詆耿司寇定向鄒諫議元標力辨其誣不報旋備兵曹濮有曹令某為郡民請命忤權貴嘗道欲褫令職天植力爭不得遂解綬歸生平

著述甚富晚更喜易有禮記哀言行世萬歷志

管九皋字汝鳴

楊門諸志俱作如鳴今依舊歷志

號鶴野隆慶庚午舉人

知富陽縣崇教化勸農桑綽有令政以卓異擢廣東道監察御史彈劾不避權貴歷官至陝西廣東副使清操益勵捐俸卻餽所至一塵不染謝政後行囊蕭然家徒四壁富陽及廉州府俱祀名宦通志萬歷志

李徵儀字于來號涵初天植孫萬歷辛丑進士授弋陽縣調清江賑饑建學具有實政又改官解南兌米民尤稱便擢禮部主事轉江西道御史疏言邇來山林實朝廷

廣德州志

卷三十八

名臣

三

虛宿德耆彥如鄒元標顧憲成趙南星輩直諫蒙譴宜峻擢以備啟沃閱視山海居庸兩關兵馬條上便宜數事皆報可時建三殿運木集於通州戶部尚書李三才盜買以營私第疏劾之李得譴去殿門所用金磚花斑石解役賄內監虛作廠收冒破銀五十餘萬徵儀盡發其奸置之法中貴傳旨修禁苑臺榭煩費不貲徵儀抗言曰皇上富有四海卽以中人十家產奉清晏懽亦無不可然富家翁之治第必先飭廳事爲子納婦然後以其餘及耳目玩今所急應不在是中貴諸人舌擣不下

徵儀曰第奏御史李某云云可也時三殿燬而未建三王年長未婚故徵儀言如是語聞報罷巡視長蘆山東鹽政督學畿輔劾墨吏置學田絕干請厯掌十三道印務臺綱肅然推陞大理寺左丞未報可而徵儀以爭枚卜拂衣徑歸天啟癸亥內計修怨者以察典錮之掌院鄒元標大言李某一代正人豈可與某某伍乃并劾罷鄒後疏薦者皆落職去丙寅復起行人司司正甫入京逆璫魏忠賢姪魏良卿謁勿納三至三卻璫怒矯旨削籍奪敕命璫誅以推陞銜召就職不應但遣僕領所奪

廣德州志

卷三十八

名臣

三

敕命而已居林下十年築精舍於焦子湖中名聞思菴直指使者按部曲致禮敬皆託疾罕面郡山巉峭履畝二十而稅軍興加派部據舊籍之誤將與田等徵儀具揭力辨始免重役郡儒童數千取額甚隘言於督學寬其額爲都御史姜洪請謚新鄒文莊祠置祀田所著有

鏡古錄信書等行世

史可法墓誌  
參楊志通志

王養俊字損之號殷泰萬厯戊戌進士任嘉興府推官疎曠落職家居十載撫按以清操文望交薦起武學教授陞南京戶部主事轉四川按察司僉事陞廣東參政更

歷中外數十年所至皆清風高節文章俊逸飄飄有仙氣

楊志

夏之彥字士美號子蘭萬歷壬子北闈舉人知湖廣應山縣痛革徵收贏羨行戶供應新學校獎士類都御史楊漣以直諫羅瑞禍鍛鍊追賊下本貫承比之彥設櫃募金且鬻產二千金代贖臺檄下漣幼子之言於獄爲築別室居之名曰疾疾軒時餽橐饋或爲危之之彥曰使某附楊公得禍天下萬世應有知我者遷武昌府緝捕府丞通志柯陳二姓友諒逋齋也負險爲患前府丞莫敢

廣德州志

卷三十八

名臣

十四

誰何之彥教誨撫循濟以威德嘗鑿壓務嶺通道五十里土人戴之碑曰夏父嶺陞浙江鹽運司運同卻常例疏鹽引任事三載商民兩利崇禎初瑞誅罹禍諸臣均予贈恤之彥亦特敕優獎其制言有曰破產佐贖推食哺孤繫惟苦心豈曰疆項不惜身家以殉可謂傾心保善者矣

楊志參桐川樂府

國朝

趙嗣晉字煥望號桐崖天性孝友律已嚴正與物和平坦易善屬文康熙辛未進士授武城令首重學校創義

塾以訓邑之子弟邑接定陶曹縣值汜陽雷澤諸水汜  
濫嗣晉濬治河道五十里水患以息以優異擢御史鯁  
骨敢言黃運二河夫役工食素飽蠹蝕嗣晉條論之人  
沾實惠巡視中城京師煮粥賑饑請更展一月鄉闈同  
考官荒於簿書者多每至屈抑佳卷嗣晉請加考試以  
藝工拙分內外簾著爲令康熙四十四年浙江福建江  
南山東四省死罪以下奉

旨減等發落嗣晉疏請直隸各省亦遵此例全宥不可勝  
計嘗會讞積案有張秀士田福奇許可孝者皆論死嗣

廣德州志

卷三十八

名臣

五

晉細覈情罪疏請緩決竟得免死壇祀大禮嗣晉糾失  
儀者四十七人舉朝肅然州東北相傳有山產煤奸徒  
鳩黨開挖大爲民害嗣晉寓書兩院痛陳其弊奉檄永  
禁州人賴之生平清苦自奉喜讀書著有易經彙解通  
俗演義增刪古文奇賞四書易經文稿內省錄箋釋等

書季志

以上胡志

忠烈

生爲重矣比義則輕此志節之士所以捐生而取義也

聖天子軫恤忠貞褒及勝朝與難諸臣於是廣德夏魁賜及寓居官齊泰王叔英林英四人並得與膺

榮獎實古今曠典也因考宋建炎時嬰城固守同時授命者六人郡士居半後此臨難捐軀蔡氏兄弟其較著者舊志不立忠烈一門致多湮沒非所以仰副

盛世風勵臣節意也今以王儔等有守土之責故與齊王

廣德州志

卷三十八

忠烈

六

並見宦績而茲復爲旁稽博訪論次軼事焉

宋

王儔大觀三年進士高宗時以通判真州權通判廣德軍

死戚方之難

萬歷志

方故江淮宣撫司杜充準備將也建

炎三年十一月金人犯建康府充兵潰降於金建康失

守十二月丁丑方擁眾叛趨鎮江守臣胡唐老罵賊死

四年三月己巳方引兵欲趨宣城道過廣德入其郭守

倉黃遣招安無敢往者乃命司戶朱嗣孟詣賊壘陳逆

順爲方所殺劫儔

二字從萬歷志補

儔不屈與權判官李唐俊

權司法潘偁權知廣德縣韋績權丞蔣夔皆死四月乙酉

西方圍宣城辛亥統領赤心隊軍兵馬劉晏戰敗死後

贈偁二官唐俊等皆京秩錄其家一人宋史本傳參高宗紀胡唐老朱

嗣孟劉晏等傳案偁傳云戚方既為劉晏所破引兵

過廣德考高宗紀十二月丁丑方犯鎮江殺胡唐老辛

己金人陷常州劉晏擊走之此晏所擊乃金人非方也晏傳亦然今正之

李唐俊宣和六年進士通志作重建炎末權廣德判官與

王儔等同死戚方之變萬曆後贈京秩錄其家一人宋史

王儔傳潘偶重和元年進士通志作政建炎末權廣德司法賊戚

廣德州志和進士卷三十八忠烈七

方陷廣德與王儔等俱不屈而死萬曆後贈京秩錄其

家一人宋史王儔傳

案李潘二人事實不詳李氏譜載唐俊以教授判軍

建炎四年十月十日被執不屈訛其日月兼不及卹

典又云其子彭年痛父死非命築廬墓側高宗表其

都曰旌孝考南畿志云彭年以親沒於兵感慕不已

蔬食終身事聞旌表明一統志作二親沒於兵雖不

明言唐俊子而俱云沒於兵與譜相合楊門等志刪

去此語失其實也且以二親之言則唐俊與其妻俱

殉國難矣而譜於其夫人沈氏不言同死又無卒年忠臣烈婦所繫甚鉅未敢屨入史文附論於此

王汝翼建平人宋末知廣德縣

兩畿志

德祐元年三月甲申

元兵至西海州丙戌知廣德軍令狐槩以城降張世傑遣將閻順等復取之汝翼時知廣德縣事四月乙巳元兵入廣德汝翼與寓居官趙時晦率義兵戰鬥山路分孟唐老與其二子皆死汝翼被執至建康死之孟唐老贈三官十二日己亥贈汝翼朝奉郎

宋史瀛國公紀

案趙時晦孟唐老不知其籍慶定間真德秀自劾狀

廣德州志

卷三十八

忠烈

六

言有宗室寄居論本軍民病十事知時晦亦必宗室之寓居者也路分官名理宗紀台州有路分董樞是唐老係本軍之官萬歷志九烈祠乃遺唐老不祀而以其二子繫於時晦下題云宋寓居廣德趙時晦及二子舊忠義祠牌因之書寓公趙公時晦暨二公子誤矣又李志封爵門載宋趙希游廕襲宮使寶祐二年領兵戍揚州死難封廣陽王以王禮歸葬廣德子孫世居焉考宋史宗室表太祖後燕王房舒國公惟忠生韓國公從靄從靄生武當侯世宣世宣生和國

公諡孝榮令驛令驛生青州觀察使子賤子賤生伯  
諷伯諷生師古師古生希游不言封王其死難事亦  
不見於紀傳不知李志何據姑附於此

吳琦任太學講書乙亥年死王難萬厯選舉志

案萬厯志既稱琦爲死難乃僅附注元歲貢中而不  
爲立傳雖嫌疎畧閱者固知其爲以死勤事者也自  
楊門李志刪去乙亥以下六字遂使忠魂淹抑者百  
數十年但元乙亥在順帝至元元年時無王難卽伯  
顏擅殺唐其勢并弑皇后於琦無與元史百官志國

廣德州志 卷三十八 忠烈 九

子監亦並無講書之官考宋史乃知爲德祐元年乙  
亥也是年元兵下江南所向驚潰宋臣嬰城力戰死  
者不可勝數其進攻臨安在十一月明年丙子正月  
宋始亡瀛國公本紀稱羣臣皆遁惟三學生誓死不  
去特與放釋褐出身意吳死必在是時以琦爲講書  
實三學諸生之祭酒也或謂志明言乙亥安知非琦  
致仕家居與王汝翼孟唐老等同時就義果爾何贈  
官獨不之及耶蓋自少帝北狩降封瀛國之後丙子  
已爲世祖至元十三年江南無復敢言德祐者故琦

死亦但書甲子爲乙亥耳再考宋職官志國子監直講八人掌以經術教授諸生注云舊以講書爲名淳化五年判監李至奏爲直講以京朝官充其後又有講書說書之名並以幕職州縣官充皇祐中始以八人爲額每員各專一經並選擇進士九經登第之人參用薦舉然則琦非進士卽當以薦舉爲德祐年國子監講書國亡殉難無疑也萬厯志列之歲貢亦非

元

沈壽二字太初仕至行軍千戶從南臺大夫御史福壽守

廣德州志

卷二十八

忠烈

三

集慶路至正十六年明兵突入其境壽三率長子宏次子度戰死宮水旁其妻王氏亦趨夫死所自殉鄉人祠祀不廢道光四年得請旌壽三入忠義祠宏度入孝

弟祠

裕志補傳

明

姚恕建平人洪武甲子舉人任杞縣令性介才達綽有政譽擢河南道監察御史所至振肅官至江西按察使靖難兵起宣城陳尙書迪不屈死恕陳婿也亦被戮

通志案

楊志云與婦翁陳尙書迪俱以不屈遇害縣志云恕陳婿也遂株及焉至今惜之

案陳迪明史有傳稱其子丹山鳳山等六人皆死而不及婿恕豈其死時地有異與今據通志錄之

姚善富號惠菴建平人洪武二十八年由明經入太學燕師起叔父恕以陳迪婿故死節善富又以恕故自經死詔陳屍御史廊下七十五日初命戮屍繼命改減家屬遣戍不許收殮妻王氏三伏闕上疏乃得允歸殯通志列女傳參楊門縣志乾隆二十三年總督尹匾曰忠節雙高以旌其夫婦祀善富於忠義祠

案李志改恕為善富弟固非或以恕為善富姪尤謬

廣德州志

卷三十八

忠烈

三

據楊門等志稱善富入太學在洪武二十八年而萬曆選舉志鄉貢門載姚恕洪武甲子年中式歲貢門又載姚恕洪武十六年貢則就其貢舉之年言之恕為善富叔無疑也善富之死殉叔實以殉國故文皇深怒之而暴尸於朝舊志言恕為迪死善富為恕死乃襲當時避禍遷就之詞耳又不敢公為立傳而附見列女然日久論定今已見獎當事崇祀於鄉矣特著其事於此

蔡允元字牧卿汝蘭子

據譜

明史世宗本紀云嘉靖四十三

年冬十二月南韶賊起守備賀鐸指揮蔡允元被執死  
之萬厯志云汝蘭子沒王事世廕千戶

蔡啟元字純卿汝蘭兄子據張時徹雷波府志云啟元以

良家子勤王擊倭奴累戰功授千夫長嘉靖三十八年  
三月丁酉我兵當賊於奉化之江口橋行列已定鼓而  
向賊同行者俱錯愕不前啟元獨憤怒裂眦罵不休徑  
匹馬縱橫而前與賊逼賊駭或走或伏啟元手格殺數  
人會天新雨馬行淖潦中不得出力盡矢空顧左右皆  
散去僅弟昆元與二三家僮不去啟元怒益甚瞋目揮

廣德州志

卷三十八

忠烈

三

劒罵賊曰吾不啖汝肉非夫也獨殊死戰良久賊乘間  
涉河繞其背鎗之死踰時猶怒立馬上不墜人共壯之  
軍門命有司具棺殮給資歸其喪

案二蔡忠義祠舊牌題曰雙忠此雍正五年所崇祀  
也考新舊州志皆無之惟萬厯志武胄蔡汝蘭傳有  
云子沒王事世廕千戶意其爲汝蘭子而楊志則已  
改爲以沒王事李志又改爲沒於王事似死事者卽  
汝蘭因取蔡氏譜核之允元果汝蘭子而啟元則其  
兄汝芝之子也譜記事亦未甚明據云汝蘭以浙江

總督胡宗憲薦授鎮撫調甯波府征倭有功陞守備  
歷官南贛南韶總兵又云允元隨父立功於韶嘉靖  
甲子十月陣亡贈都指揮使考之明史世宗本紀則  
其事大書於是年冬十二月云南韶賊起守備賀鐸  
指揮蔡允元被執死之然後知其炳見正史而珥筆  
者初未嘗深考也衛指揮使正三品則贈都指揮使  
固宜萬歷志不書其名及原官贈官而但言廕譜但  
有贈官而無原官及廕交失之矣啟元事雖引甯波  
府志所載甚略無死年月日及有司棺殮等語今特

訪求張氏舊志備錄原文張係甯波人官南京兵部  
尚書是志修於嘉靖三十九年去啟元之死纔一年  
耳時徹目擊其事詳志之卷三十二死事傳信而有  
徵譜何以反從略耶至雙忠之稱今蔡氏祠有明人  
江鐸題額現存雍正初詳請入祠且書之牌蓋本諸  
此但額書江鐸銜稱巡撫偏沉軍務而云嘉靖四十  
四年立則又非以是官設於萬歷二十七年征播時  
也額上又有李得中贊得中卽修萬歷志者贊而不  
志亦無是理凡此皆流傳之失致多歧誤而一蔡之

英聲毅魄歷久彌彰史志既著其文俎豆復隆其祀垂諸郡乘光施多矣

頁魁暘字宿甫建平人崇禎乙亥以明經訓奉化越三載為武義教諭多士式之未幾攝浦江令有賊許都者陷義烏并及浦江魁暘誓眾登陴凡六晝夜城破被執抗晉不屈死之縣志云隕於池中遊帥蔣若來求得其尸泣曰真可謂忠臣矣事聞褒祀楊志今上乾隆四十一年夏魁暘

賜諡烈愍編入

廣德州志

卷三十八

忠烈

十四

欽定勝朝殉節諸臣錄第五卷寇難殉節通諡烈愍諸臣中

潘廷楫建平人光祿丞汝霖次子任山東安東衛經歷崇

禎十四年安東失守廷楫夫妻不屈並遇害季志選舉門

案廷楫之死楊門志俱不載縣志附見汝霖傳中李

志因之摘附職監汝霖下考明史莊烈帝本紀崇禎

十四年六月山東寇起十五年正月山東賊陷張秋

東平劫糧艘太監王裕民劉元斌帥禁兵會兗東官

軍討平之二月戊申振山東就撫亂民安東之失當

在此時廷楫死於寇難與夏魁暘同而事實失傳志家亦遂遺之縣志既有所據又不爲之大書今詢邑人亦無知者或言廷楫字君濟繼妻方氏先是在任生子名魯生卽遣僕送之父所示必死云

附

唐末士人張姓者黃巢作亂率鄉兵捍之誓死不屈遂歿於溪後人名其溪爲誓節渡立廟祀之通志萬厯二十四年知州段猷顯過之憫其廟址無存勒石表之并序云張姓不知何里人黃巢以凶殘之性肆毒海內所過郡

廣德州志

卷三十八

忠烈

三五

邑無不望風披靡張姓獨率耨鋤之卒奮起而禦之溪上百戰守死以挫其鋒比其敗也駢首而沒於溪數百人無二心者非疇昔恩義膠結而不可解者何能至此若人其漢田橫之流與惜史失其名而年月日時俱不可考亦足悲也余以池陽之役徘徊溪上追其遺蹟則廟址俱亡矣因賦詩弔之爲立石郵亭之前碑現存互詳名蹟壇廟

案新唐書黃巢傳僖宗乾符六年十月巢自江西攻臨安聞戍將董昌屯八百里懼而還殘宣歙十五州

廣明元年陷睦婺二州又取宣州時廣德隸宣州則  
知張姓禦賊在是時也

以上胡志參裕志增元沈壽三一人